


Nasanyiao-ung Bible

khudthuol katam

Um-ei Thlangai Chim, Thangwuanram



Koumayie: Edward Hughes
Kayeg: Lazarus
Alastair Paterson
Koumartlong: Sarah S.
Koumaled: Thyelsaangphom Khaling
Roikathawd: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2020 Bible for Children, Inc.

Kayaakapi: Nangna yuorringmagna, hatloulimsa nangna silkathawd ruoi,
namkathawd ruoi kayaa.

1


Jisuna tlaipaangraang kathrung kaalra, A-ei
hinkathungyiao-ung thangwuanram ei tloulaa
sonkakhou. Tasa Aana "Kayi Paa-ei
Chimpui" touna ka-uong, tamin
tasir kaa kachungna
kalei neminna kason.
Chimpui touta katang,
thlangai chimkhei.



Tlaipaang-ei chimyiaosi kadoina
Thangwuanramta katang tamin thlangai kadoi.

2


Jisuna kayai, "Ngeina nayai karngaanung thyelkhei koumarsyeg-ung, Ngei kawaana niti karu yongthoi." Jisuta sanringtlawg-ei Thangwanram-raang louchaaraa. Ahinkathungyiaona thuneitlawn, Jisuti sanroibaang kakhei, tamin rameina Aati yawmtienmin muthramagkhor.



3

Tadon-eina, Kirtaanyiaona i-ti yongroithoi neminna Jisu-na koukantrong tasa ryelthawdkanei.


Bag ryelmag alimra, Aa tog yongthoi neminna sonkakhou. Taraangaita, Aa yongbang hikhor Kirtaayiaota kouyou ungleiraa? Ita Jisupui louleithoi neminna Biblena kayai. Rawng pui koukanthran touta Umpasaang aliraang kathrungsi.



4


Mukayer (Revelation), Bible-ei hinkanaa lailig, tasirra Thangwanram-ei rilthleinadkanu tlouyiao sonkather. Kanigna ryelthuingta, Thangwanramta Um-ei chim tamin rilthleinadkanu abikhei. Umta

abiriraang kathrung, tatouchai A-ei thoibomta Thangwanram-raang.




5

Thangwanreiyiao le akadei thangwan-ei thiemyiaona Umti koukamag. Himinna thangwanram-raang louchaakhor thamiyiao ruoi Umti koukamag. Umti koumathang thlangai laayiao ina kasaa.



6


Ina kasaa laakhei-ei tlouta hatou: **NANGTA KAMAGCHAANG, KOUHUTOUTA, MARUO YANGREI TAMIN KHUL YANGREI, NGITI NEIHINA THLAWGMINNA, UM-EI KARAWNGCHAAYIAO LE AMUNGYIAO HOIKAYER.** (Mukayer 5:9)



7


Bible-ei hongmarkuom thare-ei chienaaraang Thangwanramti "Kadou Jerusalem" touna ka-uong. Tasa baabemagri katang tamin kachou tathangna kakoi. Tathangsa ka-al thalungna kasaa. Aman kanig, kim katlungna liglag kawaar thalungyiaona chimbom kahoi. Yawnpui-ei

rapalthawngyiao tasa kanig katang thalungpuikeirei kasaa!




8

Kawaar rapalthawngyiaosa kakhaar naimag.
 Ngi hachangmin thuthui-aase ... **THLANGAILEI!**
 Thangwuanramta awuairaangriena thlangai kadoihoi.
 Yawnpui tasa koumaying on-kasanna kasaa,
 mayingsyel kamaal.
 Khadung lam
 hagkilla
 onkasanna
 kasaa.




9

Um-ei thoibomrei koumaying, thlangai kawngkhei
 kachawng, tasirra kharing-ei yuiding kachawng.
 Kawng-ei apang-arieraang kharing-ei hingtrawng
 kapawg, kheina Eden Rakawl wuairaang loukapawg
 tahingsa. Hingtrawng hata kanedri kanig. Tasirra
 tanglaa tungtang hei chibleikhani aku-aku kahei.
 Tamin kharing-ei hingtrawngnaana khulyiao-ti
 toukadam.




10

Thangwuanramraang kani o tanglaa
 leimagkilla kawaar. Um-ei thangka-al tasana
 rilthleinadkanuri-ung waarkayer. Tasir rasaa
 toula naimag.




11

Thangwuanram-ei yaayiaota aku. Ita kate tamin
 puipai hoikathraa. Yaoyiao le kakeiyiao roukhei
 palui kasai-ung. Karag nawngsaayiao ruoi halyiaopui
 sapawl kasai-ung. **UMPASAANG** na kayai, "Kayi
 kahyeng bungraang ina toukayem o toukathlei
 thlouyiao tamthramag."



12

Ngina kakoina heikathuile, koutlagtleg pawdyiao
 thaa kimmagsou. Malungkasaa tlouyiao mayagmag.
 Tankourun o
 koukaraam
 naimag.



13

Thangwuanram-ei thawngyiao so sangmag
 kouhutouta tasir mukachaayiao leimag.
 Katlalyiao, thami kahadyiao,
 tharaitlouna
 kathoiyiao o
 thlangaimag
 thamiyiao
 leimag.



Thangwuanram-
 raang buor kouke leimag.

14



Thangwuanram-raang
Um pui kathrung,
tatou-eina thri kadaa
naimangaa. Tlaipaang-ei
chaanraangta Um-ei
thamiyiao ruoi kheikhei
sanlaadonna kachab.
Thangwuanram-raangta,
Umna thri tod
kharukaphiel-ung.

15

Thangwuanram-raang kahi tou naimag. Um-ei
thamiyiao Umpasaang pui chudmagna kathrung-ung.
Honpui kalaa, kachab, kanaa naimag-ung.
Koukanthran, kanaa-kasaa,
koura-ui naimag-ung.
Thangwuanram-ei
thamiri Um pui
chudmagna
koumaalumna
kathrung-ung.



16


Maalum kadoita, Thangwuanram tasa Jisu Khristati
a-ei Rankapipu neminna rilkachuo tamin Umpasaang-
ei kayai kouning napaachaayiao le napuichaayiao-ung
(apaayiao-ung ruoi). Thangwuanramraang,
Yaochaa-ei Kharing Lailig tou ka-uong
lailigkhei kalei. Tawuairang thamiyiao-ei
phaal kachungna koumayie. Ahu-ei
phaalyiao mayiekather-ei
nang kaphang eiyo?
Jisunan rilkachuo
thamiri-ei phaalyiao
mayiekather.



Neiphaal tasir
waakousu eikaa?

17

Thangwuanramraang sangnung kathina
ka-uong tlouna Bible-ei koumarkuom tlou. "Tamin
Thruu le ngaikather nangaaqna ka-uong, 'Mangaa!'
Koumayagyiaona sanyai 'Mangaa!' Yuikahadri mangaa.
Kapaamyiaona kharing-ei yuiding aradna kamang
kayaa."



18

Um-ei Thlangai Chim, Thangwuanram

Um-ei Tlou, Biblerei

mukaphaa

John 14;
2 Corinthianyiao 5;
Mukayer 4, 21, 22

"Nei-Tlou mangkachangle kawaar koumang."
Laa 119:130

19



60



60

20

Rilthleinadkanu kayai Umna ngiti kasyem tamin
ngina Aati phangleilo minna Bible-ei tloulimraang sonkather.

Buor touna ka-uong, thlangaimag thlouyiao ngina katam
netousa Umta kaphang. Buor-ei tantita kahi, tatouchai Umna
neiti thirangmeimin khadpagtou Achaanapaa Jisuti, khrosraang
hinung tamin neibuoryiao-ei tanti dounung yakayin. Jisu kheiruo
sankharing tamin Thangwuanramraang sangraa! Nangna Jisunan
rilchuo raangaita, neibuoryiao kupanung sanyaicha, Aana
yakupathoi! Aa yongminna neihonpui wuairang
chudmagna yongthrunghoi.

Akachim tasa hata neminna
neiril chuoraangaita, Umna hatouna heiyaicha:
Oh kathi Jisu, Nangta Um, thami rawoi kahoina keibuor ungkum
hikhor tamin khei sanringkor, netousa keiril kachuo. Keichaan
wuairang yongchang minna keibuor yakupi, ngeiruo kadou chaan
phaakangui, tamin Nangpui chudmagna thrungkangui. Neikayai
kouning Neichaakhei souna Nayingkum ngei thrungkangui. Amen.

Bible heipaa tamin ni tungtang Umpui heiyiryai! John 3:16